

## Ekwkwo-Ozi Judu De

<sup>1</sup> Mmẹ wu Judu de ehuhuo-ozini. M wu igbon Jesu Kristi. M wuzikwo nwenẹ Jemisi. M ri e dejenni ndi ahun we kpo, hun ri Chuku-Nedi obi, hun Jesu Kristi donme: <sup>2</sup> omiken, udon le ihien-osusuo ya rinị onu mmagi-mmagi.

### *Luni Ni Uzọ-Jesu Ogun*

<sup>3</sup> Ndi ri m obi, o te duka m ni m de ni unu banyeni nzuofuha hun enyi ile nwon, kani a hun m'a nwan n'o ri mkpa ni m deni unu hun m'e gi kasi onu obi, ni onu shikenme onwun chedon Uzọ nke okukwe hu hun Osolobue wegụ che eka ndi nke e.

### *Ndi A Kuzi Ntu A Banhangọ*

<sup>4</sup> Makeni, o nwegho ndi ghaleni a tu egun Osolobue hun gigu nuzue banhan ime enyi. Ndinị e gbehutoguo ozi efoma Osolobue, keni we gi e kpume eje-obibi we. O tekemeke we deto ikpeomuma hun rinị ni we ime Ehuhuo-nsọ. Ndinị ara gbayedę Jizos' Kraisti hun iya suo wu Di-nwonnienyi le Onye-nwonnienyi.

### *Osolobue A Maringọ Ye Ndi Njo Afunfun*

<sup>5</sup> M cho ni m nyanhan ni unu ihien ndinị, osuon'a ni unu a maringuo we ohunma-ohunma. M cho ni m nyanhan ni unu ke Di-nwonnienyi don gha ali Ijptu zuopuha ndi Izrelu, kani, omegu, o no tikpo ndi hun kwerileni.

<sup>6</sup> Nyanhanzikwo ni ihien me ndi mmon-ozu hu te ri nso hun nodileni ebe we si we nodi, hun la onodi we to: nyanhan ni ni Osolobue e kenguo we nwan egbun itebite to ime eje ishi, e che okinkin-ikpe hun jenko d'a ri oken Uhuohin hu.

<sup>7</sup> Nyanhan ni ihien me eje-ali ndi ahun wu Sodomu le Gomora le obodo ndi ozo hun nokunme ni we. Ndi ri ime ali ndi hu me ke ndi mmon-ozu hu—bu enwen we che ime ughere le uru, ya we no narin afunfun okun-itebite. We no wuru ihien we gi a do ihian aka-ntin.

### *Enwen We Ke W'e E Lee, E Ledan Okiki*

<sup>8</sup> Bu erira ke ndi nkuzi-ughani gi nwan a hunsonme ohun a han we e me ihien ehun we gi a ruhu, e legberi okiki, e kuto ndi ogho ri ehun.

<sup>9</sup> Kani, Maikelu hun wu onye-isi ndi mmon-ozu e medeni enina ogen o gi son Ekwensu zuo ozun Mozizi: egun Osolobue anin'a kuto Ekwensu—ihien o gwa Ekwensu wu, “Di-nwonni-enyi a jugbo i!”

<sup>10</sup> Kani ndini e kuto ihien owule we ghotaleni. We nohu ke anu-ofia nwonleni uche, w'a ra leban ihien enya—bu hun we ghotahu we lebanleni enya, iya e tikpo we.

### *A Riziole We Eje-onodi*

<sup>11</sup> Oken nsongbu rini we! E sonmeguo we uzo Keni ogbu ochu; e giguo we ifiri erere la enwen we toni mmefie Balam egbo a suo; e nupuguo we isi ke Kora; a na we ntikpo ke iya, makeni Osolobue k'e tikpo we. <sup>12</sup> Ntupo ke ndini wu ebe unu n'e rigbama Oriri ihien-osusu unu; egun arizi we enya ebe we n'e son unu e ri—ndi-ndu ri e lepu enwen

wẹ sọọ ẹnya kẹ wẹ wu! Orukpu ufere buko ghaleni e zue mirin kẹ wẹ wu; osisi ghaleni a mi mkpuru oge wẹ gi a gho mkpuru, osisi wẹ huepu, hun nwunhuni, nwunhunchanrin! <sup>13</sup> Wẹ nohu kẹ eje ebiri-ohimin, ihien ifenren wẹ ri a gboshi elu kẹ ufofo ebiri-ohimin; kokise uzọ ohu ghaleni e ru kẹ wẹ wu, hun Osolobue kwademetonì eje-ishi itebite!

### *Ikpe-omuma Hun Ri E Cheni We*

<sup>14</sup> Enoku, hun ri agbo nke esa—wẹ gha eka Adam gunma—e buguọ amuma toni wẹ: o si,

“Lee e,

Di-nwoni-enyi lala

ya le ndi nsọ a nnu ole-le-ole.

<sup>15</sup> O lala

d'e kin onye owule ikpe,

d'a ma wẹ ile ikpe—

ikpe eje-ihien ile wẹ gi eje-agungun wẹ me

le eje-oku ile jogbu enwen e,

hun ndi-njo ghaleni a gbaye Osolobue

gi kuja oku e!”

### *Eje-Agungun We*

<sup>16</sup> Oge ile kẹ ndini gi e denwinwin; w'a ra kinbehi ikpe; w'e mesonme eje-ihien ndi ri a gunni wẹ; w'e kukari enwen wẹ, e gi onu-oma a tunarin ihian ihien wẹ.

### *Mkpisin-eka Le Ndunmodun*

<sup>17</sup> Kani, o me nke unu umune m, nyanhankwo ni ihien ndi-ozì ahun pu-ichen Nna-enyi wu Jizos' Kraisti tume gwato onu. <sup>18</sup> Wẹ gwa unu ni “Ndi-emu k'a puha oge ikpazuun, ndi k'e mesonme eje-ihien ri a gunni wẹ.” <sup>19</sup> Uwe wu ndini ihien-awa

rị ẹnya, hụn nwọnleni Mmọn-nsọ, ndi hụn e buhe nkebe.

<sup>20</sup> Kani, nke ọnu umune m, e me ni ni unu e sue ime Okukwe ahun richanrin nsọ ọnu ri e son, e sue ke ulo we n'a tun; e me ni ekpere ke Mmọn-nsọ don cho. <sup>21</sup> E donme ni enwen unu hun unu e gi risonme ndi ihien we a suo Osolobue, ke unu don ri e che omiken Di-nwonna-enyi wu Jizos' Kraisti, hun k'e wehe ni ọnu ndun itebite.

<sup>22</sup> E me ni ni ndi obi-ebu omiken, <sup>23</sup> ọnu a dokpunpuha ndi ozo ime okun hu keni unu gi e zuofuha we. Nke ndi ozo, e gi ni egun e me ni we omiken—ka zede ni izize ewuru we yi hun ehụ we meruguu.

### *Ekpere Ija-mma*

<sup>24</sup> Nke Osolobue, onye hu hun k'e ri-eka kwondon unu make ọnu gha a dan, me ọnu wuru ndi nwonleni ntupo, unu e gi ighoghọ turu ihun e ebuhu Ogho ri, <sup>25</sup> Onye hu iya suo wu Chuku, Onye nzuopuha enyi, ogho ya rin'a ghahani Jizos' Kraisti Di-nwonna-enyi—oghọ le ikpen le iken le okiki; k'o rin'a ni ogen d'e bidon, ya rin'a kikenni le jenin ejen! Isee.

## **Elu Ọhụn: Ekwkwọ-Nsọ (Azụn Ọhụn rịn'a) Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

### **Copyright Information**

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

### **The New Testament**

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files dated 29 Jan 2022

31b0248e-272a-5dee-8226-bcc00c54d9b1